

山西志輯要卷一

太原府治圖

山西志輯要


卷一

繪圖

汾州府平遙縣界

西平寧州界

保德州界




南

北

沁源縣界



太谷縣



榆次縣



崞縣界

遼州榆社縣界

東晉陽縣界

忻州定襄縣界

山西志輯要

卷一

繪圖

清涼山志輯要目錄

卷上

宸翰

錫賚

卷下

佛蹟

名勝

迦藍

崇建

清涼山志輯要

目錄

靈應

高僧

誌異



清涼山全圖

清涼山志輯要

繪圖



文殊菩薩像



清涼山志輯要

繪像

清涼山志輯要

卷上

聖祖仁皇帝御製清涼山志序

朕惟清涼山古稱文殊大士演教之區也茲山聳峙於雁門雲中之表接恆嶽而俯滹沱橫臨朔塞藩屏京畿其地風勁而高寒層冰結於陰巖積雪留於炎夏故名清涼然地雖寒而嘉木芳草蒙茸山谷稱靈異焉五峯竦立上矗霄漢日月之所迴環烟霞之所虧蔽蒼然深秀其為神臬奧區蓋自昔而已然矣是清涼山志輯要

世祖章皇帝上為

慈闈祝釐下為蒼生湯福易金遣使屢沛恩施朕數經駐蹕茲山為

雨宮祈康寧福祉因而登五峯陟臺懷各為文勒石以紀之琪樹靈葩形於篇咏蓋嘗念佛教以清淨慈惠為本以戒定智慧為宗亦有裨於勸善遠慝茲山又



密邇塞垣遠離塵俗當為清修者之所棲泊故於此
每惓惓焉山之有志所以紀形勝述建置載藝文俾
後之人有所稽考往蹟舊聞不致湮沒茲編詳簡適
中不蕪不支清涼勝境可撫卷而得其梗槩也因叙
於簡端

聖祖仁皇帝御製碑文

南臺普濟寺碑文

南臺世傳文殊示現之處也臺當山之陽地稍暄暖
金葉日菊佛鉢之花生遍崖谷若錦繡之相錯故其
峯曰錦繡之峯峯有寺曰普濟蓋宋所建云佛氏之
教息心淨業以獨善其身而文殊所願在饒益衆生
布施以廣仁義持戒以守信忍辱以為謙精進以施
敬禪定以守靜知慧以通理其慈惠之心有獨宏者
自漢以來清涼之山代有精舍至宋之十寺為國祝

清涼山志輯要

宸翰

釐恒賜詔褒答載籍傳之所從來久矣山之僧棲廡
飲澗以自甘惟守其師之記以獨善其身寺有北者
力不能興葺也朕登南臺乃命復新普濟寺以居僧
徒之息心淨業者俾祝釐於是登臨者觀象教之精
嚴慈惠之心可以油然而生矣

東臺望海寺碑文

周官職方氏掌天下之圖辨九州之國州表一山以
為鎮躋其顛可以望海者則揚之會稽兗之岱青之
沂幽之醫無問凡四山焉惟岱距海較遠登日觀望

扶桑其峯崑峻極尤非他山可比也五臺隸并州州境無海而臺之東峯以望海名蓋雲中上黨晉地踞天下之脊山之麓既高而臺之高復三十餘里龍泉以東岡嶺陵阜皆處其下遠瞰滄瀛諸州景光愴恍儼若紫淵浩淼與青顛之氣混涵相接記稱旭日方升望大海若陂澤信有以哉臺有寺棟棟桎桷不蔽風雨朕省方登此命加修葺復其初制蓮臺法相固極莊嚴已四方之人得於焉信宿縱睇溟渤之朝暾以視夫岱宗日觀又何多讓耶遂襲片石文以紀之

清涼山志輯要

卷四

四

卷

中臺演教寺碑文

五臺之山高出雲代然不與嶽鎮之列山經禹貢以及道書所稱洞天福地均莫之載蓋自昔為釋子所棲故與峨嵋普陀號三靈山之三山者或在海上或當巴蜀險遠之區惟茲山峙神京之右千里而近宜登陟者較多焉朕嘗覽觀載記謂茲山東有離兵火珠西有麗農瑤室南有洞光珠樹北有五湖瓊樹中峯則有自明之金環光之璧是靈秀所鍾中臺之異矣臺高三十有九里游者至是必思

自唐以來演教寺之所由建也山峻多風寺久傾圮
朕爰命工拓而新之譬之於物澤雉十步一啄百步
一飲鵬之飛九萬里而扶搖六月而息其遠邇高下
雖殊方其息自適之情則一也朕之命新茲寺亦欲
登是山者咸有自適之樂焉爾

北臺靈應寺碑文

清涼山左隣恒嶽右接天池環基五百餘里五峯竦
峙而北臺為最高歲癸亥二月朕鑿輅西巡登其巔
嘯雲氣生鳥履之下開闔萬變時春雪方霽青霄夏

清涼山志輯要

卷一

五

臺

絕天風颯然所謂身歷清淨之域目睇澄鮮之境心
遊太古之地盈縮造化吐納顛氣冷然善也臺名叶
斗峯舊有靈應寺丹青虧剝采廟欹傾朕念衣緇之
汎不外仁義以為教故熙隆之代亦所不廢矧曼殊
化宇恒著感通遠邇之人蘄嚮久矣爰命崇其陞祀
飾其題築土木瓦石丹青金碧之需財自內出不涉
經費工以備給役弗違農是以工敏於事而民若不
知秋八月告落成焉董事之臣請製文勒石以志之
用以上昭景福於

慈閣下廣嘉惠於兆庶垂示於億萬斯年爾

西臺法雷寺碑文

朕聞鷲嶺峰臺不少水晶之域鵠林鹿苑恒開金粟之園莫不獻露裛之千花蔭春浮之雙樹迺有龍湫抱鉢偕猿鶴以高棲燕子成龕捫藤蘿而直上况夫竺法蘭之初地舊是花宮勾龍爽之畫圖羣推紫府紺蓮照野智炬長然青豆開房精廬用結西臺絕頂有法雷寺焉方廣化城文殊密宇琉璃布地霄隣掛月之峯栲栳名山徑轉千雲之石仙人五百青髻曾

清涼山志

卷六

六

卷六

遊沙界三千玉毫盡徹指修蛇之赴壑恒嶽匪遙數歸雁之銜蘆并門在下朕對清涼之勝景招閭闔之長風北瞻則畢月昂車西顧則參旂并鉞憫此伽藍久廢飭其瓴甃重新紺馬銖衣長轉相輪於雲表桐魚茶板仍流清響於山椒庶使龍象行時金闕遠符大曆狻猊坐處神光復現元和云爾

菩薩頂大文殊院碑文

夫坤輿九壤厥有名區方志所標莫之勝紀若其巒隴繚巖岡崇阻縈紆窈窕悠然遠望列峯競秀壁

立霞駁不可殫視則惟清涼山之五臺為最勝五臺
並高數十里如覆盂如懸樓閣如鵬摩天如鼇脊出
海飛崑崙岫飄渺超忽而風高氣寒土脈深隴遠近
如一至夫鬱盤迴薄斥為廣衍之地蘊真萃異信為
靈跡之所棲託者惟臺懷為最勝臺懷居五臺之中
左襟右帶前頰後仰若在懷抱其地陽陸平林舊多
梵刹有菩薩頂文殊院者相傳文殊示現於此其殿
廡尤莊嚴宏邃殆福地之精藍神垌之奧蹟也我朝
建鼎以來歲有賜給為國祝釐蓋其境域過清不可
清涼山志輯要卷之七

射虎川臺麓寺碑文

五臺峙京邑之西縣亘晉代數州地是為天下靈區
奧境以壯固神京癸亥春二月朕省巡民俗言陟茲

山而觀覽焉去臺懷數十里適有虎隱現叢薄間朕
偶御弧矢一發殪之里人皆歡呼曰是為民害久矣
今鑿輿臨幸而此獸用殛殆天之所以除民災也因
號其地曰射虎川且相率為浮屠之宮以表厥異既
成襟帶山澤面勢爽塏重櫺巨棟烏革翬飛與臺上
諸名刹相映帶稱勝概焉邦人重其事請朕製文勒
碑以垂永久夫事雖微而苟有利於民則皆可紀以
示後嘗親周禮特命官掌設弧矢以攻猛獸蓋虎豹
鷙戾能戕人害物者必殄滅之仁民故也朕乘輿所
歷偶接于耳目之前爰發一矢斃一獸事則適然而

清涼山志輯要

卷八

八

終

殊像寺碑文

蓋惟清涼福地拱紫塞以標靈臺頂名山聳蒼穹而
聳秀文殊飛錫之所夙號神臬吉祥闡教之區舊多
精刹况龕留古佛為法海之殊觀壤接中臺乃香林
之勝境創琳宮於自昔葺紺宇以維新茲殊像禪寺
開基臺畔結宇山阿谷邇鳳林環千巖之紫翠堂臨

鹿苑俯萬壑之烟霞峯曰梵仙望層巒於天際泉稱
般若落清澗於雲中殿有金容因名殊像天人肅穆
羣瞻龍象之尊儀度莊嚴共禮狻猊之座青蓮妙相
琉璃光映於林端碧樹幽棲鐘磬聲聞於嶺外迺以
成年歷久陳跡都荒風雨所摧僧寮非舊慨此丹楹
畫壁無非蛛網塵封朕為

慈闈祝釐故爾法駕戾止憫茲頽廢爰命締修梵宇再
興明蓮如故祇園金地依然多寶之場佛頂珠光重
現牟尼之瑞招提既肅緇袖咸歸室可賴以安禪用
清涼山志輯要

碧山寺碑文

原夫園成祇樹聿標鷲嶺之奇香滿旃檀定據琳宮
之勝况山雄雲代宇結清涼文殊演教而開基天龍
八部迦葉瞻容而頰首螺髻千身繫剎塞之名區寔
梵王之法界經馱白馬觀貝畫之常新地布黃金喜
蒼林之重燦茲碧山寺棟構臺柯暈飛巖畔勝傳普
濟化城之玉礪猶存谷號華嚴德水之青蓮時現銀

龕珠洞映三藏之神光疊嶂層巒萃五方之靈秀浮
烟卷翠迎接蒼穹含藹流清傍分綠澗何羣峯之凝
碧繞丈室以增幽雁塔峻峭朱夏帶陰山之雪鶴林
高下白毫連紫極之雲茲因歲月遷移川陵委寂禪
枝忍草侵榛蔓以交蕪寶鐸雕甍歷風霜而黯色朕
親來佛地藉祝

慈禧爰整金繩丕施珠網啟琉璃之淨國寶樹攢香爍
瓔珞之紅樓曇花四照相輪自備巧傍新幡丹鳳飛
來還棲舊刹芟芻競集宏叅不二之宗象力攸崇衆
清涼山志輯要 卷第十
證無為之果用鐫貞石永煥名山

臺麓寺碑文

朕惟道源普濟金輪轉靈鷲之峯像設莊嚴蘭若啟
闔浮之地蓋振鐸聲於祇樹教澤彌長秀螺髻於蓮
臺拜瞻斯肅况復文殊聖宅遙迤紫塞之烟雲大士
名區近作神京之屏翰五峯屹峙十嶂迴環三春開
四照之花長夏積經年之雪緬此清涼之靈境實為
萬聖之幽棲若乃路入山隈寺名臺麓飄法幢於雲
表影拂紅霓響清磬於林端聲浮澗壑維茲勝域迴

異恒規朕永惟佛教之宏深欲躋羣生於仁壽巡幸
駐輦式禮香林仰祈嘉祉於

慈闈敬製金容於秘殿出尚方之丹碧選內府之香檀
刻鏤精工集經營於匠氏威儀豐約裁尺度於朕心
妙相端凝映雲霞而煥彩粹容圓滿偕日月以齊輝
瓔珞紛披寶鏡照大千之界蓮花璀璨祥烟籠丈六
之身敬送臺山奉安淨土繡幡香舉出鳳闕而西行
法鼓鯨鐘望鴈門而貴止遠近覩旌幢之威天人瞻
龍象之儀莫不注目竦觀齊心稽首講堂鈴鐸傳頌

清涼山志輯要

卷八

上

七

唱於天風畫栱琉璃朗慧燈於長夜繞徑挺菩提之
樹巡檐現優鉢之香智海汪洋川嶽益增其炳煥慈
雲瀰漫草木咸載其光華貝闕常新琳宮日麗嗣後
六時禪誦望寶筏以知歸四遠緇流禮精藍而式化
宗風丕振品類咸休用勒貞珉昭示無極

羅睺寺碑文

朕省方觀民所過名山大川壯觀勝蹟與夫往聖先
賢講學明道之地心切向往多所表章而釋氏之宮
標靈顯異所在多有亦間留題以寄遐懷嘗一再至